



Servizo de Acción Social Cultural e Deportes

II Copa 5x5 Deputación Provincial da Coruña Balonmán na Rúa.

A Deputación Provincial da Coruña convoca a **II Copa 5x5 Deputación Provincial da Coruña Balonmán na Rúa** que se desenvolverá segundo as seguintes

BASES DA CONVOCATORIA

1.- Participantes

Poderán participar todos os nenos/as de entre 6 e 11 anos empadroados en calquera concello da provincia da Coruña, que estean en posesión da correspondente licenza federativa para a tempada 2023 -2024, e que non exista sobre eles sanción de ningunha clase na data fixada para a inscrición.

Participarán agrupados/as en equipos dun máximo de 7 compoñentes e un mínimo de 5. Os equipos serán mixtos.

Participarán un máximo total de vinte e catro equipos, divididos en dúas categorías:

- Categoría A: nenos/as de 10, 11 anos (alevín).
- Categoría B: nenos/as 6 a 9 anos (pre e benxamín).

2.- Inscricións.

As inscricións para a participación na **II Copa 5x5 Deputación Provincial da Coruña de Balonmán na Rúa** realizaranse a través da páxina web da Federación Galega de Balonmán (www.fgbalonman.es).

As inscricións para cada torneo realizaranse 15 días antes da celebración da proba, deixando os primeiros 5 días para que se realicen as inscricións locais e os seguintes 10 para completar o cupo de 24 equipos cos equipos de fora da localidade onde se celebre a proba.

Cuota de inscrición: será gratuíta

Datos das inscricións:

- Nome do club.
- Nome do/a responsable.
- Teléfono do/a responsable.
- Enderezo electrónico do/a responsable.
- Nome e apelidos dos/as integrantes do staff técnico.
- Data de nacemento dos/as integrantes do staff técnico.

DNI dos/as integrantes do staff técnico.
Teléfono dos/as integrantes do staff técnico.
Nome e apelidos dos xogadores/as.
Data de nacemento dos xogadores/as.
Colexio dos/as xogadores/as.
Localidade do club.

Así mesmo, incluírá a aceptación das normas de competición que regulan a competición e que non existe ningún impedimento deportivo ou legal para a súa participación na mesma,

Na ficha de inscrición, a Federación Galega de Balonmán incluírá o texto alusivo a protección de datos, así como a posible cesión de datos a deputación sobre as imaxes fotográficas como audiovisuais dos eventos.

Cada equipo deberá ter no seu poder os documentos de autorización e protección de datos dos menores firmada polos titores/as legais dos menores.

3.- Lugares e datas de celebración.

A II Copa 5x5 Deputación Provincial da Coruña de Balonmán na Rúa terá lugar nos seguintes concellos da provincia de A Coruña: A Coruña, Zas, Negreira, Sada, Oroso, Cedeira e Ribeira e celebrarase entre o 27 de xaneiro e o 31 de outubro de 2024.

Cada unha das 7 probas desenvolverase como máximo durante 3 días (de venres a domingo), cos horarios seguintes:

- Venres: de 17:00 a 21:40 horas.
- Sábado: de 10:00 a 21:40 horas.
- Domingo: de 10:00 a 19:40 horas.

Os lugares e as datas previstas poderán ser modificadas, previa petición razoada e autorización da Deputación de Coruña.

4.- Competición

A II Copa 5x5 Deputación Provincial da Coruña de Balonmán na Rúa distribúese en sete probas.

En cada proba haberá dúas categorías de ata 12 equipos mixtos en cada unha; en cada categoría haberá ata catro grupos de tres equipos onde se enfrontarán todos contra todos na fase de grupos; na xornada de domingo celebrarase os cuartos de final, as semifinais e as finais.

O sistema de competición de cada proba será de:

- 2 Categorías (A e B, en función da idade dos participantes).
- Ata 4 grupos de 3 equipos por categoría.
- Fase de grupos na que xogarán todos contra todos a unha volta.
- Fase final con: cuartos de final, semifinais e final.

O sistema de puntuación será o seguinte:

- Tempo gañado = 3 puntos
- Tempo empatado= 2 puntos
- Tempo perdido= 1 punto.

5.- Regulamento do torneo.

A modalidade de xogo será Minibalonmán, e aplicarase o Regulamento de Minibalonmán da FGBm

para a **II Copa 5x5 Deputación Provincial da Coruña de Balonmán na Rúa.**

6.- Árbitro.

Designarase un árbitro/a para dirixir cada partido.

7.- Responsable.

Cada equipo deberá ter unha persoa responsable maior de idade.

8.- Premios

Os tres primeiros clasificados de cada proba e por cada categoría recibirán unha medalla.

Recibirán tamén 1 trofeo para o equipo.

Quinto.- Dispor a publicación das bases na páxina web da Deputación Provincial da Coruña.

Bases aprobadas por resolución da Presidencia 2023 / 49818 do 22 de decembro de 2023.